

Evening Dogri (NSD) Bulletin 16-11-2024

आकाशवाणी

खास खास खबरां

1. प्रधानमंत्री नरेन्द्र मोदी होरें आखेआ ऐ जे सरकार लोकें लेई, लोकें आस्सेआ प्रगति दे मैत्र कन्नै कम्म करा करदी ऐ।
2. प्रधानमंत्री मोदी होर नाइजिरीया, ब्राजील ते गुयाना दे 5एं दिनें दे दौरें लेई रवाना होई गे न।
3. झारखंड ते महाराष्ट्र च असैंबली चुनाएं लेई चुनां प्रचार जोरें-शोरें कन्नै चला करदा ऐ।
4. राष्ट्रपति द्रौपदी मुर्मू ते प्रधानमंत्री नरेन्द्र मोदी होरें झांसी मैडिकल कालेज च अगग लगने आली दुखदाई घटना च जानी नुकसान होने पर दुख प्रगट कीता ऐ।
5. राष्ट्र अज्ज महान शहीद करतार सिंह सराभा होरें गी श्रद्धांजलि भेंट करा करदा ऐ।

<><><><><><><>

PM Modi

प्रधानमंत्री नरेन्द्र मोदी होरें जोर देइयै आखेआ ऐ जे सोशल मीडिया दे इस जुगै च जित्थे गलत सूचनाएं ते दुष्प्रचार दा जोर ऐ, उत्थे उंदी सरकार अपने धेइये कन्नै पूरी मजबूती'नै खड़ोती दी ऐ। इक निजी मीडिया संगठन आसेआ आयोजित लीडरशिप समिट कार्यक्रम गी संबोधित करदे होई श्री मोदी होरें आखेआ जे उंदी सरकार वोट-बैंक दी राजनीति थमां दूर ऐ ते लोकें लेई ते लोकें आसेआ तरक्की दे मत्तर गी लेइयै कम्म करै करदी ऐ। प्रधानमंत्री होरें इस गल्लै गी फही पक्का कीता जे उंदी सरकार दा लक्ष्य देशै गी इक विकसित राष्ट्र बनाना ऐ ते लोकें

इस्सै विश्वास दे कन्नै उनें'गी एह जिम्मेदारी सौंपी दी ऐ। आतंकवाद दे मुद्दे पर श्री मोदी होरें आखेआ जे समें बदली गोआ ऐ ते हून आतंकवादी गै अपने घरें च असुरक्षित मैहसूस करदे न। मोदी होरें इब्बबी आखेआ जे 2014 च देशै दा केंद्री बजट तकरीबन 16 लक्ख करोड़ रुपें दा हा ते अज्ज एह 48 लक्ख करोड़ रुपें दा होई गोदा ऐ। उनें आखेआ जे पूंजीगत खर्चे हून 11 लक्ख करोड़ रुपें शा मते दे होई गेदे न। उनें आखेआ जे अज्ज नमें स्कूलें, शोध सरबंधी सुविधाएं ते रेलवे लेई खुल्ले मनै कन्नै पैसा दित्ता जा करदा ऐ। उनें आखेआ जे देशै च हून सवा लक्ख शा मते पंजीकृत स्टार्टअप न ते अज्ज भारत च तकरीबन 10 करोड़ लखपति दीदियां बी हैन।

<><><><><><>

PM-Visit

प्रधानमंत्री नरेन्द्र मोदी होर अज्ज नाइजीरिया, ब्राजील ते गुयाना दे 5एं दिनें दे दौरे लेई रवाना होई गे न। प्रधानमंत्री होरें दौरे पर बरदोंदे होई अपने ब्यान च आखेआ जे एह नाइजीरिया दा उंदा पैहला दौरा ऐ एह मुख्य पच्छिम अफ्रीकी इलाकें च भारत दा नेड़मा भ्यान ऐ। श्री मोदी होरें जिक्र कीता जे उंदा एह दौरा सामरिक भ्याली दे निर्माण दा इक मौका होग जेहड़ा लोकवाद ते बहुलवाद च सांझे विश्वास पर आधारित ऐ। उनें नाइजीरिया च भारतीय समुदाय ते नाइजीरिया दे लोकें कन्नै मिलने दा बी तांहग जताई। उत्थूं दे लोकें प्रधानमंत्री होरें गी हिंदी च संदेस भेजे दे न। श्री मोदी होर 19में जी-20 शिखर सम्मेलन दी मीटिंग च ट्रॉइका मेंबर दे तौर पर हिस्सा लेंगन। उनें आखेआ जे निछले ब'रे भारत दी जी-20 दी कामयाब अध्यक्षता च जी-20 लोकें दा जी-20 समूह बनी गोआ ऐ ते ग्लोबल साउथ दी प्राथमिकताएं गी एहदी कार्यसूचि च शामिल करी लैता गोआ ऐ। इस ब'रे ब्राजील आस्सेआ जी-20 दी अध्यक्षता संभालने दा जिक्र करदे होई श्री मोदी होरें मेद प्रगट कीती जे "इक घरती इक परिवार, इक भविक्खदे नजरियै दे मताबक मतलव दी चर्चा होग। प्रधानमंत्री होरें एह बी आखेआ जे इस मौके पर ओह दुनिया दे केई होरने लीडरें दे कन्नै दपक्खी साथ

सैहयोग गी होर अगुै बधाने बारे बी गल्लबात करगंन। मोदी होरें आखेआ जे गुयाना दे राष्ट्रपति मोहम्मद इरफान अली हुंदे साददे पर उंदी यात्रा 50 ब'रे कोला मते समें च कुसै भारतीय प्रधानमंत्री दी इस मुख्खै दी पैहली यात्रा होग। मोदी होर 185 ब'रें पैहले पलायन करियै उत्थें गेदे सब्बने कोला पराने भारतीयें दे वंशजें कन्नै मिलगंन ते उत्थूं दी पार्लियामेंट च भाषण देंगन।

<><><><><><>

Textile

केन्द्रीय कपड़ा मंत्री गिरिराज सिंह होरें अज्ज नमीं दिल्ली च 43में भारतीय अंतर्राष्ट्रीय बपार मेले दा उदघाटन कीता। सिंह होरें आखेआ जे एह मेला कारीगिरें गी इक बड्डा मंच प्रदान करदा ऐ। उनें आखेआ जे इस ब8रे भगवान बिरसा मुंडा दी 150मीं जयंति दे मौके पर मंडप च जनजातीय थीम पर विशेष हत्थखड्डी ते हस्तशिल्प उत्पाद रखे गेदे न।

<><><><><><>

IITF-MSME

लौहके, भलेया लौहके ते दरमेयाने उद्यमें एमएसएमई दे केन्द्र मंत्री जीतन राम मांझी होरें अज्ज नमीं दिल्ली च 43में भारतीय अंतर्राष्ट्रीय बपार मेले च एमएसएमई मंडप दा उदघाटन कीता। इस ब'रे दे मंडप दा विषय सार ऐ "ग्रीन एमएसएमई" यानि पर्यावरण मुआफक एमएसएमई। मंत्रालय नै इक ब्यान च आखेआ जे एह एमएसएमई आस्सेआ अपने कारोबार गी चलाने आला सरिस्ता तब्दील करने लेई साफ सुथरी यानि पर्यावरण मुआफक टेक्नालजी गी अपनाने पर जोर दिंदा ऐ। इस पैविलियन च प्रधानमंत्री नरेन्द्र मोदी हुंदे आस्सेआ पिछले ब'रे शुरू कीती गेदी विश्वकर्मा योजना बारे बी दस्सेआ गेदा ऐ। मंत्रालय नै आखेआ जे इस ब'रे एमएसएमई दे मंडप च 29एं राज्यें ते केन्द्र शासत प्रदेशें दे दो सौ प्रदर्शक हिस्सा लै करदे न। मंडप केई उत्पादें दा प्रदर्शन कीता जा करदा ऐ

जेहदे च कपड़ा, हत्थकरधा, कढ़ाई, चमड़े दे बूट, खडारियां, बांस सिल्क ते होर चीजां शामिल न।



Election Campaign

झारखंड च विधान सभा चुनां दे दुए गेड़ लेई प्रचार अभियान तेज होई गेआ ऐ। राष्ट्रीय जनतांत्रिक गठबंधन एनडीए ते इंडी गठबंधन दे बड्डे नेता अपने अपने मेदवारें दे हक्कै च चुनां प्रचार करा'रदे न। बीजेपी दे वरिष्ठ नेता ते केन्द्री गृहमंत्री अमित शाह होरें दुमका च चुनावी सभा गी संबोधत करोग, ओह अज्ज देवघर ते धनवार च बी जनसभा गी संबोधत करगंन। कांग्रेस अध्यक्ष मलिकार्जुन खरगे होर अज्ज जामताडा ते रिजरी च चुनावी रैलिंग गी संबोधत करोग। झारखंड मुक्ति मोर्चा ते राज्य दे वरिष्ठ नेता ते राज्य दे मुखमंत्री हेमंत सोरेन राज्य च अज्ज 6 रैलियां गी संबोधत करगंन। राष्ट्रीय जनता दल दे नेता तेजस्वी यादव गोडा च जनसभा गी संबोधत करोग। मिथुन चक्रवर्ती होर दुमका ते जामताडा च रैलियां करोग। बीजेपी दे केई नेता शिवराज सिंह चौहान, हिम्मता बिसब सरमा ते चंपाई सोरेन। ऑल झारखंड स्टूडेंट यूनियन पार्टी ते खब्बे धड़ें दियां पार्टिंग दे नेता बी राज्य दे बक्ख-बक्ख हिस्से च रैलियां ते रोड शो करोग।



President Murmu

राष्ट्रपति द्रौपदी मुर्मू होरें उत्तर प्रदेश च झांसी मैडिकल कालेज च अगगे लगने आली दुखदाई घटना च होए दे जानी नुक्सान पर दुख प्रगट कीता ऐ। राष्ट्रपति होरें इक सोशल मीडिया पोस्ट च मरने आले दे माता पिता ते परिवार आलें गी एह दुख सैहन करने दी ताकत थोने दी कामना कीती। राष्ट्रपति होरें घायल होए दे बच्चें दे तौले नरोए होई जाने दी प्रार्थना कीती। प्रधानमंत्री नरेन्द्र मोदी

होरें झांसी मैडिकल कालेज च अगग लगने कन्नै होए दे हाउसे च मरने आले दे परोआरें गी प्रधानमंत्री राश्ट्रीय राहत फंड चा दो-दो लक्ख रपे दी फौरी सहायता देने दी घोषणा कीती ऐ। घायलें गी 50-50 जहार रपे दित्ते जांगन। श्री मोदी होरें इक सोशल मीडिया पपोस्ट च आखेआ जे इस मुश्कल समें दरान ओह विपदा च पेदे परोआरें कन्नै न। उनें भरोसा दोआया जे उत्तर प्रदेश सरकार दी दिक्ख-रिक्ख तैहत मकामी प्रशासन राहत ते बचाह कारवाइए च सहायता करने लेई हर मुमकन जतन करा करदा ऐ।



Railways

केन्द्री रेल मंत्री अश्विनी वैष्णव होरें भरोसा जताया ऐ जे औने आले 5एं ब'रें च मुंबई च रौहने आले लोकें लेई आओजाई दे सफर च महत्वै आला सुधार होग। श्री वैष्णव होरें इक प्रेस कांफ्रेंस च जानकारी दित्ती ऐ जे महाराष्ट्र च बक्ख-बक्ख रेल परियोजनाएं च इक लक्ख 64 जहार 605 करोड़ रपे दा निवेश कीता जा करदा ऐ। उनें दस्सेआ जे राज्य च बक्ख-बक्ख मैट्रो परियोजनाएं लेई इक लक्ख 10 जहार करोड़ रपे दा निवेश कीता जा करदा ऐ। नमीं रेलवे लाइनें बारे गल्ल करदे होई उनें आखेआ जे राज्य च 6 जहार किलोमीटर नमी पटरियां बनाइयां जा करदियां न। अमृत भारत स्टेशन योजना दे तैहत 132 रेलवे स्टेशनें गी बेहतर बनाया जा करदा ऐ। श्री वैष्णव होरें दस्सेआ जे मुंबई च 320 किलोमीटर पटरियां बछाइयां जा करदियां न ते मुंबई च 16 जहार करोड़ रपे कोला मता निवेश कीता जा करदा ऐ। उनें आखेआ जे मुंबई च "कवच 5.0" सरिस्ता लागू कीता जाग। एहदे कन्नै उपनगरें च चलने आली रेलगड्डिडएं दे बश्कार दा समां 180 सैकंड थमां घटियै 120 सैकंड करने च मदाद थ्होग।



Homage

राष्ट्र अज्ज शहीद सराभा हुंदे बलिदान गी चेता करा'रदा ऐ ते उनेंगी भावे भरोची श्रद्धांजलि अर्पित करा'रदा ऐ। 19एं ब'रे दे इक महान क्रांतिकारी गी अंग्रेज सरकार नै अज्जै दे ध्याड़े 1915 च आजादी दी जंग च शामिल होने लेई मौत दी सजा दित्ती ही। उनें होरने 6 साथिं गी बी फांसी दी सजा सुनाई ही। उंदी शहादत केई सारे नोजवान जिस च शहीदे आजम भगत सिंह होर बी शामिल न, गी भारत दी अजादी दी जंगे च शामिल होने दी प्रेरणा दित्ती। पंजाब दे लुधियाना च सराभा ग्रां च राज्य सतह दे केई सारे कार्यक्रम उनेंगी ते उंदे साथिं गी श्रद्धांजलि देने लेई आयोजित कीतियां गेइयां।

<><><><><><>

National Press Day

अज्ज मुख् भरै च राष्ट्री प्रेस दिवस मनाया जा'रदा ऐ। समाज ख आजाद ते जोआबदेह प्रेस दी महत्वपूर्ण भूमका दे सम्मान च एह ध्याड़ा हर ब'रे 16 नवम्बर गी मनाया जंदा ऐ। 1966 च अल्लै दे गै दिन भारती प्रेस परिषद नै कम्म करना शुरू कीता हा। एह ध्याड़ा नां छड़ा प्रेस दिएं उपलब्धिं गी दर्शादा ऐ सगुआं पारदर्शी ते शिक्षित समाज दे निर्माण च एहदी जिम्मेदारी गी बी बधांदा ऐ। इस मौके पर बक्ख-बक्ख कार्यक्रमें दे आयोजन दे कन्नै पत्रकारिता दे खेत्तर च उत्कृष्टता पुरस्कार भेंट कीते जंदे न। सूचना ते प्रसारण मंत्री अश्विनी वैष्णव होर अज्ज इस मौके पर नमीं दिल्ली च इक समारोह गी संबोधत करगंन।

<><><><><><>श

Om Birla

लोकसभा अध्यक्ष ओम बिरला होरें आखेआ जे भारत दे नियंत्रक ते महालेखाकार सीएजी मती पारदर्शिता कन्नै कम्म करा'रदा ऐ ते एहदी विश्वयनियता ते प्रमाणिकता गी हुन विश्व स्तर पर मानता थहोई चुकी दी ऐ। अज्ज नमीं दिल्ली च चौथे महालेखाकार परीक्षक ध्याड़े पर श्री बिरला होरें आखेआ जे बक्ख-बक्ख

देशें थमां लोक भारतीय लेखा परीक्षण प्रणाली दा अध्ययन करने लेई भारत आवा'रदे न ते इस गी अपने देसे च अपनाने दा प्रयास करा'रदे न। भारत दे नियंत्रक ते महालेखाकार परीक्षक दी संस्था दी स्थापना ते सुशासन, पारदर्शिता ते जवाबदेह दी दिशा च एह्दे योगदान गी चेता करने लेई हर ब'रे 16 नवम्बर गी आडिट दिवस मनाया जंदा ऐ।

<><><><><><>

Delhi Pollution

दिल्ली ते राष्ट्रीय राजधानी एनसीआर च ब्हाऊ दी गुणवत्ता ,सासब हसेइयै होर मती खराब दी श्रेणी च पुज्जी गई ऐ। अज्ज दपैहरी इक बजे ब्हाऊ दी गुणवत्ता दा सूचकांक 407 दर्ज कीता गेआ ऐ। केन्द्री प्रदूषण नियंत्रण बोर्ड दे मताबक दिल्ली दे शादीपुर च एक्यूआई 462, बनाना च 438, आनंद बिहार च 436, अलीपुर च 438, अशोक बिहार च 439 ते रोहिणी च 426 दर्ज कीता गेआ ऐ। मौसम सरबंधी मैह्कमे नै पेशनगोई कीती ऐ अगले दऊ दिनें च दिल्ली ते राष्ट्रीय राजधानी क्षेत्र च रातीं ते बडलै धुंध ते हल्का कोहरा छाए दा रौहग।

<><><><><><>